

# INUIT ATAQATIGIIT

## INATSISARTUNI



UKA 2013/21  
16.10.2013  
KL

**Nunat Avannarliit Killiit Siunnersuisoqatigiiffiata Savalimmiuni Naalakkersuisut, Kalaallit Nunaanni Naalakkersuisut aamma Islandimi Naalakkersuisut kaammattorpaat suleqatigeeqqullugit allaaserisaqartarneq atuakkiortarnerlu nukittorsarniarlugit nunani ataasiakkaani atuakkiortut peqatigiiffii suleqatigalugit atuakkiortunut siunissamilu atuakkiortunngorumaartussanut allassinnaanermut pikkorissarnernik peqatigiillutik aqqissuusseqqullugit.**

Nunat Avannarliit Killiit Siunnersuisoqatigiivisa kaammattuinerat, Inuit Ataqtigiit-niit isumaqatigaarput. Atuakkiortarnerup atuakkiorsinnaannerullu ineriartorfiujuarnis-saa pikkoriffigineqarnissaalu tamatsinnut pingaarpoq.

Isumaqaarpugut taama periarfissaqartitsisinnaaneq, minnerunngitsumik aamma inuussuttortatsinnut periarfissiilluassasoq atuakkiortarnerup tungaatigut ineriartorfiu-sinnaassumik allaalaartumik pissanganartumik pilersitsisoqarsinnaappat.

Nalunngilarput nunani pingasuni pineqartuni, atuakkiortarnerup tungaatigut ineriartorsimaneq misilittakkat assigiinngitsut aqqusaarneqarsimanerisigut, imminnut isumassarsioqatigiinnissanut iluatinnaatilinnik peqartoqartoq

Nunani Avannarlerni Killerni atuakkiortarnerup ineriartorfiujuarnissaa pingaartin-neqareerpoq, ilaatsigummi meeqqanut inuussuttunullu atuakkianut, ukioq allor-tarlugu kajumissaataasussamik nersornaasiiisoqartarpoq aamma nunatsinniit peqataaffigineqartareersumik.

Neriulluta kaammattuut nunani pingasuni tamani taperserneqarluni piviusunngor-tinneqarnissaa sulissutigineqalerumaartoq, Inuit Ataqtigiit-niit taperserparput.